

**Sud organlarida korrupsiyaga qarshi kurash tizimining
holati to'g'risidagi hisobotni shakllantirish va taqdim etish bo'yicha
REGLAMENT**

1-bob. Umumiy qoidalar

1. Mazkur Reglament Oliy sud, quyi sudlar hamda Oliy sud huzuridagi Sudlar faoliyatini ta'minlash departamenti va uning hududiy bo'limlarida (keyingi o'rinlarda – sud organlari) korrupsiyaga qarshi kurashish tizimining faoliyat yuritishi hamda korrupsiyaga qarshi tadbirlarni amalga oshirishi to'g'risidagi hisobdorlikni shakllantirish tartibini belgilaydi.

2. Sud organlarida korrupsiyaga qarshi kurashish tizimining faoliyat yuritishi va rivojlanishi masalalari bo'yicha hisobotlarni (keyingi o'rinlarda – hisobotlar) shakllantirish va taqdim etish uchun ma'suliyat Oliy sudning Ichki nazorat guruhi mas'ul xodimlari zimmasida (keyingi o'rinlarda – Ichki nazorat guruhi) bo'ladi.

Quyi sudlar hamda Oliy sud huzuridagi Sudlar faoliyatini ta'minlash departamenti va uning hududiy bo'limlarida hisobotni taqdim qilish uchun ma'sul etib sud organlardagi kadrlar masalalari bo'yicha mas'ul xodim (keyingi o'rinlarda – mas'ul xodim) belgilanadi.

2-bob. Hisobot turlari va uni tuzish davriyligi

3. Oliy sudda quyidagi hisobot turlari nazarda tutiladi:

a) Oliy sudda korrupsiyaga qarshi kurashish tizimining faoliyat ko'rsatishi to'g'risidagi, shu jumladan, Oliy sudning korrupsiyaga qarshi dasturi tadbirlari amalga oshirilishi bo'yicha hisobot Ichki nazorat guruhi tomonidan mazkur Reglamentning 3-bobida belgilangan tartibda tuziladi;

b) korrupsiyaga qarshi kurashishga oid davlat dasturida rejalashtirilgan tadbirlarni amalga oshirish to'g'risidagi hisobot Ichki nazorat guruhi tomonidan mazkur Reglamentning 4-bobida belgilangan tartibda tuziladi.

4. Hisobot muntazam ravishda ushbu Reglamentda belgilangan tartibda va muddatlarda, sud organlarida korrupsiyaga qarshi kurashish tizimining holatidan,

shuningdek, hisobot davrida korrupsiyaga qarshi tadbirlar o'tkazilgan yoki yo'qligidan qat'i nazar tuziladi.

5. Viloyat va unga tenglashtirilgan sudlar hamda Sudlar faoliyatini ta'minlash departamenti tomonidan har choraklik va har yillik hisobot Oliy sud Ichki nazorat guruhiga topshiriladi.

6. Oliy sudning yillik hisobotidagi umumiy axborot Internet tarmog'idagi rasmiy veb-saytida e'lon qilinadi. Mazkur axborot Oliy sudning Ichki nazorat guruhi tomonidan tayyorlanadi.

3-bob. Korrupsiyaga qarshi kurashish tizimining faoliyat ko'rsatishi to'g'risida hisobotni shakllantirish tartibi

7. Sud organlarida korrupsiyaga qarshi kurashish tizimining faoliyat ko'rsatishi to'g'risidagi hisobot korrupsiyaga qarshi kurashish tizimini monitoring va nazorat qilish, shuningdek, Oliy sudning korrupsiyaga qarshi dasturi tadbirlarini amalga oshirilishini monitoring qilish maqsadida tuziladi.

8. Hisobot Ichki nazorat guruhi tomonidan Oliy sud rahbariyatiga ko'rib chiqish uchun topshiriladi.

9. Hisobotni shakllantirish quyidagi tartibda amalga oshiriladi:

a) sud organlarining hisoboti Oliy sudning Ichki nazorat guruhi tomonidan tuziladi va Oliy sud raisi o'rinbosarlaridan biri yoxud Oliy sud apparati rahbari tomonidan tasdiqlanadi;

korrupsiyaga qarshi kurashish faoliyati to'g'risidagi hisobotning biron-bir bo'limi bo'yicha tadbirlar o'tkazilmagan taqdirda, tadbirlar amalga oshirilmaganligi sababini ko'rsatish lozim;

b) hisobotlarga kiritilgan axborot tegishli hujjatlar nusxalari va boshqa ma'lumotlarga asoslangan bo'lishi kerak;

d) Oliy sudning Ichki nazorat guruhi ushbu Reglamentga 2-ilovada ko'rsatilgan shaklda sud organlarida korrupsiyaga qarshi kurashish bo'yicha tizimning faoliyat ko'rsatishi to'g'risidagi umumiy hisobotni tuzadi.

10. Sud organlarida korrupsiyaga qarshi kurashish tizimining faoliyat ko'rsatishi to'g'risidagi hisobotlar va korrupsiyaga qarshi kurashish tizimining faoliyat ko'rsatishi to'g'risidagi umumiy hisobotni tuzishda Ichki nazorat guruhi tegishli xodimlardan zarur hujjatlar, tushuntirish va statistikani so'rash va olish huquqiga ega.

4-bob. Korrupsiyaga qarshi kurashga oid davlat dasturlarida rejalashtirilgan tadbirlarni amalga oshirish to'g'risidagi hisobotni shakllantirish tartibi

11. Korrupsiyaga qarshi kurashishga oid davlat dasturida rejalashtirilgan tadbirlarni amalga oshirish to'g'risidagi hisobot ushbu Reglamentga 3-ilovaga muvofiq shaklda tuziladi.

12. Korrupsiyaga qarshi kurashishga oid davlat dasturida rejalashtirilgan tadbirlarni amalga oshirish to'g'risidagi hisobot Ichki nazorat guruhi tomonidan sud organlarida korrupsiyaga qarshi kurashish tizimining faoliyat ko'rsatishi to'g'risidagi umumiy hisobot bilan bir vaqtda tuziladi.

5-bob. Yakunlovchi qoida

13. O'zbekiston Respublikasi qonunchiligi va Oliy sudning ichki idoraviy hujjatlarga o'zgartish va qo'shichalar kiritilgan taqdirda ushbu Reglament qayta ko'rib chiqilishi lozim.